

# UUT'T OLDE VODDEN

sZommers was ter tied tekot  
De boern dee waarn dan drok  
De rogge en haver mos emaaid  
En in-e haald tan ok!

Het maaien ging neet machinaal  
Dat deen zee met de zig,  
De mathoak in de andre hand,  
Ik von ut moor een plich!

Want twas neet veur n ogenblik  
Moor ganse lange dagen,  
tWerk in hitte en zunneschiën  
Dat was noew niks veur tragen!

Moorn ieder wis ut mos gebeurn,  
Een boer hééld ok van werken  
Van jongs af hef e dat eleerd  
Dat kôj an alles merken!

De maaier stôn veur een bane  
Breed een meter of twee, drie,  
De zig ging kot ôver de grond  
Zo leep hee door dan mee.

Hee sloëg tan tstroo en halmen  
Kot bie de wottels af,  
Deur met de mathoak te krabben  
Rolden dan een garve draf.

En dat werd eindeloos herhaald  
Zon hele dag moor deur  
Dee maaier raakten nooit van slag  
Door was e ummers maaier veur!

Het begon smargens heel vrög  
Ast lich was an de kimmen  
Want ut ging um tmaaien van  
Zo vôle meugeluk vimmen.

Een vimme dat is honderd garven  
Das al een hele trop,  
Moor tmossen meerdre vimmen  
wèen  
Dus zetten hee um slim op!

As de zig was stomp e wodden,  
Neet scherp genug meer was  
Dan mos ter wodden gehaard,  
Kwam dr spit en hamer an te pas.

Ut haarspit ston dan in de grond,  
Met te haarhamer in de hand  
Wodden dan ut snit van de zig  
Uut e klopt met vôle vestand!

Het tik, tik, tik klonk in trond  
tGeluud van staal op staal  
Zon stompe snee weer te scherpen  
Das op zich zelf al een verhaal!

sMiddags tussen twaalf en twee,  
Dan, noa ut eerpels etten  
Heelden ze effen middagsloap  
Dat zollen ze neet vegetten!

De middagsloap dee gold alléne  
As de R uut de moand is,  
Dus noa april en veur september  
Dooran heel ieder zich beslis!

nEndjen dan achter de maaiers an  
Kon iej de binsters zeen,  
Dee dan um al dee garven  
Netjes twee zeeltjes deen!

En mees an t ende van de dag  
Ston nog een werk te wachten,  
De garven wieren rechtop ezet  
An zessen of met achten.

Dat neumt ze dan de gasten.  
nGaste kreeg een zeel um de kop  
Dan mossen dee een tiedjen stoan  
Do dreugden ze mooi op!

As de laatste garven waarn  
emaaid  
Werd stoppelhane evierd  
Met van dee kleine feeslukheden  
Wod tboerniëven wat opgesierd!

Stoppelhane was echt een fees,  
tWas 'tbereiken van een piek  
Moor tfees hadde gin vas patroon  
Zee vierden ut ongeliek.

Moor wat lekker etten en drinken  
Kwam der wel bieje te pas!  
Noew zon venaam werk gebeurde  
was  
Was iederéne in zien sas!

As tan garven en gasten dreuge  
waarn  
Werden ze op e stokken  
En e vliejt op een boerenwagen  
Dee deur tpeerd woddene trokken.

Het ging dan of noa de miëte  
Moor mees noa de berg tan toë.  
Dr waarn twee- en vier-roëdegen,  
Een ronde berg had éne roë.

De roë dat is dee stoande poal  
Door zit geboorde gaten in  
De bergkappe dee krig steun  
Op n deur de gaten e stokken pin.

De kappe draai iej bieje dee roë  
Ok makkluk op en neer  
Met n schiëve en een stoaldroad  
Geet tat heel goed hen en weer.

De kappe draai iej bieje dee roë  
Ok makkluk op en neer  
Met n schiëve en een stoaldroad  
Geet tat heel goed hen en weer.

Dee bergen bieje de boerderieje  
Geeft tlandschap ut gezich  
Huus, schuur en berg is een geheel  
Nee, dat telt heel neet lich!  
Noew nog ut blote stoppelland  
Door mos wat met gebeurn  
Het werd vlootjes umme bouwde  
Dat was zo as ut heurn.

Dan wodden door soms vrögger  
Vake spurrie in ezaaid  
Want spörrie greuiden had en vlug  
En kon al gaw wodden emaaid.

Moor meestied wodden op  
spoörrie  
De beeste op ut tuur ezet  
Zon koe kon dan n baantjen etten  
Moor wieter goan werd eur belet.

Ze had an de veurpoot onder an  
Een ketting met een soort blei,  
De sluiting ging hendug vas en lös  
Door zat iej nooit met in de knoei.

De ketting zat tan an'nsort rik  
An dandre kante van 'trik een lus  
Deur dee lus een poaltje in de  
grond  
Dat was helemoal gin klus.

De koë wol soms met kettingen rik  
Een kring umt poaltjen renne  
tRik slepten dan int rond  
Moor tging toch heel gauw  
wennen.

As een stuksken was kaal  
evreteten? Ging iej tpoaltjen wat  
vezetten  
Dan kon de koe met nieie moed  
Eur boek lekker vol etten!  
kZee gin koë meer an ut tuur  
Dat is noew uut de mode.  
Moor door bunt toch ok olde dinge  
Dee misse ik moor node!

Ome Jehan.